


PELAPORAN PUSAT TANGGUNGJAWAB: BAHAGIAN HAL EHWAL PELAJAR

LAPORAN TAHUN 2024:

Kebajikan pelajar merupakan aspek penting dalam memastikan kesejahteraan mereka sepanjang tempoh pengajian. Pada tahun 2024, jumlah bantuan dan sumbangan yang disalurkan kepada pelajar prasiswazah dan pascasiswazah adalah sebanyak RM136,717.65 dengan jumlah penerima manfaat seramai 255 pelajar. Sumbangan tersebut meliputi pelbagai bentuk bantuan, termasuk bantuan yuran pengajian, bantuan sara diri, bantuan kecemasan, sumbangan kepada pelajar yang kehilangan kematian ibu atau bapa, bantuan musibah, bantuan lain-lain, kes kelulusan khas Tabung Kebajikan Pelajar serta Tabung Perlindungan Pelajar.



LAPORAN PROGRAM KEBAJIKAN PELAJAR 2024

1. Program Penyerahan Komputer Riba Kepada Pelajar B40

Kerjasama bersama pihak WAZAN UPM telah berjaya untuk memberi sumbangan peranti komputer riba kepada pelajar B40 UPM yang masih belum mempunyai peranti komputer riba.



2. Ziarah Kasih @Kelantan 2024

Objektif program Ziarah Kasih ini adalah untuk memberikan sokongan dan bantuan kotak rezeki kepada pelajar dari keluarga yang tergolong dalam kumpulan B40 yang memerlukan sekitar Kelantan pada 25 Februari 2024.



3. Ziarah Kasih Sempena Program Outreach KPT@Selangor 2024

Objektif program Ziarah Kasih ini adalah untuk memberikan sokongan dan bantuan kotak rezeki kepada pelajar dari keluarga yang tergolong dalam kumpulan B40 yang memerlukan. Program ini melibatkan lawatan ke 15 buah rumah pelajar B40 UPM di sekitar Kuala Kubu Bharu pada 9 Mei 2024.



4. Ziarah Kasih Sempena Semarak Siswa Madani Sempena Program Outreach KPT@Pulau Pinang 2024

Objektif program Ziarah Kasih ini adalah untuk memberikan sokongan dan bantuan kotak rezeki kepada pelajar dari keluarga yang tergolong dalam kumpulan B40 yang memerlukan. Program ini melibatkan lawatan ke 10 buah rumah pelajar B40 UPM di sekitar Pulau Pinang pada 2- 4 Julai 2024.



5. Ziarah Kasih Pelajar Terkesan Banjir @Pulau Pinang

Ziarah Kasih Pelajar Terkesan Banjir @Pulau Pinang merupakan sebuah program yang dianjurkan untuk menziarahi rumah pelajar yang terkesan dengan banjir. Lokasi yang dipilih adalah di sekitar Pulau Pinang dan Kedah melibatkan lawatan ke lima buah rumah pelajar. Program ini telah dijalankan pada 30 September hingga 01 Oktober 2024 . Semasa program ini juga, bantuan dalam bentuk kotak makanan dan bantuan wang tunai sebanyak RM1,000.00 telah diberikan kepada pelajar yang telah disenarai pendek.



Semasa program ini juga, pasukan BHEP juga turut berkesempatan menyantuni beberapa rumah pelajar baharu B40 UPM sesi akademik 2024/ 2025 yang tinggal di kawasan sekitar bagi penyampaian Bantuan Awal Pengajian serta sumbangan komputer riba.



6. Misi Kesukarelawanan PascaBanjir @Skuad Ihsan Madani Kelantan

Program Misi Kesukarelawanan PascaBanjir @Skuad Ihsan Madani merupakan satu program kesukarelawan yang dianjurkan oleh MASKUM dengan kerjasama seluruh Universiti Awam. Misi ini merangkumi penghantaran kotak makanan serta penyediaan pasukan sukarelawan bagi menjalankan kerja-kerja pembersihan dan menyantuni komuniti sekitar daerah Pasir Mas, Kelantan yang terkesan dengan banjir. Semasa program tersebut juga, BHEP turut berkesempatan menziarahi dan menghulurkan sumbangan sebanyak RM200 kepada 10 buah rumah pelajar UPM yang terkesan dengan banjir di kawasan sekitar.





7. Lawatan Kebajikan@Pelajar UPM 2024

Sepanjang tahun 2024, Tabung Kebajikan Pelajar telah menyediakan bantuan kecemasan sebanyak RM200 kepada pelajar yang sakit dan terlibat dalam kemalangan. Bantuan ini bertujuan untuk meringankan beban kewangan yang dihadapi oleh pelajar yang terlibat. Langkah ini diambil sebagai usaha untuk memastikan kebajikan pelajar terus terpelihara dalam situasi yang mencabar.







